

《大方廣圓覺修多羅了義經導讀》補充講表

◎附表二十一（以下糅合江味農居士《金剛經講義》）

○第一難即執圓成以難遍計。第二難又執遍計以難圓成。實則依他不離圓成。

◆何謂三性？（一）徧計（所）執性，（二）依他起性，（三）圓成實性。

*徧計執性：謂普徧計較執著也。即性宗常說之分別、執著、攀緣、無明、妄心、妄想等。

性宗亦謂之分別性。此是妄想，云何稱之為性耶？意在明其雖是無明妄想，然為真心之所變現，非離真實性而別有也。但相宗名為徧計執性，是單約凡位說；性宗名曰：分別性，則兼約凡聖說。聖位之分別性，是明其應緣示現，對機說法，絲毫不爽。似有分別，蓋約眾生邊，望之云然耳，非謂聖位尚起念分別也，當如是知。

*依他起性：即性宗所說之緣起、緣生、性起，此正本性隨緣現起之相用。相用原不離乎

性體，若無性體，便無相用，故曰：依他起性。依者，隨也。他，指眾緣也。

※《成唯識論觀心法要》卷七云：「染分依他，因緣所生六凡法也。淨分依他，因緣所生四

聖法也。六凡諸法，既已一一即空假中；四聖諸法，何獨不然！故曰：十界無非即空假中。」

＊圓成實性：圓：謂圓滿。成：謂本具。圓成二字，約體說，明其本來圓滿具足，非造作法。亦兼約相用說，謂相用為體所本具，淨德圓滿也。實，即真實。此即性宗常說之法界、真如、如如、真心、實相、圓覺、自性清淨心等，其名無量。性宗亦謂之真實性也。

※《成唯識論觀心法要》卷七云：「《中論》云：【因緣所生法，即空即假即中】。為令易

解，說空假中。剋實而言，唯一中道以為正體。中道離一切相，非徧計之所執，即為如實空義；中道即一切法，具依他之緣起，即如實不空義。雖有空與不空二義，而體元非空與不空。今既云：一切法非空非不空，則八識，一一非空非不空，即是中道，法爾具足三諦。五十一心所，一一非空非不空，即是中道，法爾具是三諦。十

一色法，一一非空非不空，即是中道，法爾具足三諦。二十四種不相應行，亦一一非空非不空，即是中道，法爾具足三諦。六種無為，亦復非空非不空，即是中道，法爾具足三諦。此性相兩宗，血脉關通最顯著處，人都忽而不察，奈之何哉！」

○未出輪迴，而辯（辨）圓覺，彼圓覺性，即同流轉……舟行岸移，亦復如是。

◆先法說。未出輪迴句，言其仍用生滅心也。「辯」字意指三疑。謂用生滅心而辯圓覺，莫道不能辯明，縱使辯得明白，亦不是圓覺真面目也。故曰：彼圓覺性，即同流轉。謂彼所明之圓覺性，乃是依於生滅妄心中，流出一種虛妄名言，非是真圓覺性故。若依此而欲免輪迴，斷斷乎不可免。故曰：無有是處。

◆次喻顯。動目，數動之目也，喻妄心分別。湛水，不搖之水也，喻圓覺妙性。謂湛水本不搖動，因數動其目，依於湛水，妄現搖動之相。喻彼圓覺妙性，本非流動。由彼以生滅心，依於圓覺，變起虛妄名言，以辯圓覺。而圓覺性，隨彼名言，而成流轉。如彼動目，

能搖湛水無異。

◆又如定眼由迴轉火者，定猶瞪也。略疏云：眼識遲鈍，旋火成輪。其意蓋是以眼識遲鈍，看火不真。而勉強瞪定其眼，迴旋久觀，而火亦成輪。喻彼根性愚鈍，見理不真。而勉強澄定識心，發起虛妄名言，反覆辯論圓覺真理。而彼圓覺本非流轉及與名言，由彼妄以名言反覆辯論，彼圓覺性，亦隨名言而成流轉。

◆雲飛如駛，因見月有運相；月實不運，因雲駛所顯而成運。舟行似箭，因見岸有移相；岸實不移，因舟行所顯而成移。喻彼未出輪迴，依妄心而辯圓覺，依圓覺妄現名言。圓覺本非名言，因名言辯論所顯，而圓覺亦成名言。因喻知法，故云：亦復如是。

◆「辯」字不是辨別之辨，即指前三種難詞。以遍計而辯圓成，則圓成亦是遍計。故即同流轉。流轉：即輪迴也。未出輪迴而辯圓覺。無論辯不成，即令能辯，亦是遍計虛妄分別，故決不能免輪迴。